

乾隆英使觀見記



筆記而已。吾則謂此筆記之直重於文綺珍玩爲倍萬而重於所求諸事者爲倍亦百蓋自有此書而吾國內情向之閉關自守不以示人者至此乃盡爲英人所燭彼其尺進寸益窮日之力合有形無形以謀我者未始非此書爲其先導也。吾昔主某報嘗自西報譯一文曰華人古代之冒險精神爲美使柔克義演詞內言十五世紀明人與南洋諸島交際已繁甚有遠達非洲北部者其堅毅果敢殆不在西人之後惜商人重利不能屬文間有受帝王之命往求犬馬珍好且以遊記進呈者又復志在媚茲一人所紀多荒渺無稽參以神鬼怪異閱之足令人大噓而帝王悅之謂其人多能且加獎焉是以華人雖自古卽與海外通而其茫然於海外實情仍如是也柔氏之責明人者如此彼有清一代膺命出使者奚止十數輩所爲書亦奚止十數種而一觀其書除庸盦筆記精核可貴外勦襲陳說者有之但紀宴遊瑣事者有之已不能作而令書胥爲之者有之甚至某使懵懂不能望其有裨國是耶彼西人紀吾國事之書雖千五百種中精確者僅僅十之一二然已弱人之國而有餘吾國虛糜國帑叅無數不辨菽麥之星使而其歸束不過以無用之書禍及梓氏吾譯此書不禁感慨係之矣民國五年春江陰劉復半儂父識

# 乾隆英使覲見記 上卷

一千七百九十三年六月十五日禮拜六。吾船獅子號。自交趾支那之多倫海灣出發。向中國開行。同行者有三船。一爲印度斯坦號。較大。餘二船。一曰憂考爾。一曰克拉倫司。均二桅之小帆船也。十九日禮拜三。下午二時。中國大陸已隱隱可見。其方向則羅盤中之「東北偏北」也。二十日禮拜四。晨六時。下碇於辣得郎海口。余命吏但頓勳爵密司忒麥克斯威爾甲必丹麥金吐司三人。登陸報告。吾船抵埠之息耗。顧以此時一季中之商船多未抵埠。（譯者按。爾時交通機關。備未大備。海外商船之來華營業者。不能如現時之川流不息。僅能按季往來一次。且必結夥同行。互相照應。故云然。）即歐洲各國商人之營業於東方者。亦多在澳門。故報告而後。岸上未有著何之舉動也。二十二日禮拜六下午。更但頓勳爵回船。言得澳門消息。中國朝廷。自得吾英特派使臣來行觀聘禮之確耗。而後文武官員。均大爲滿意。乾隆皇帝。亦以爲已身克享遐齡。以古稀天子之身。至政幕。將閉之候。而猶得一遠國如吾英吉利者。使使萬里東來。共敦睦誼。則其畢生之威名。榮譽。至是而益增矣。因。通。令。全。國。各。海。口。凡。有。吾。英。皇。帝。陛。下。所。屬。之。船。隻。抵。埠。者。當。以。

至。敬。之。儀。節。迎。接。云。（譯者案。東華錄。乾隆五十七年冬十月乙酉。上諭。軍機大臣等郭世勳等奏。據洋商蔡世文等稟。有英吉利國夷人。噦唧哩晚曠。等來廣稟。稱該國王。因前年大皇帝八旬萬壽。未及叩祝。今遣使臣。嗎嘎喇呢。進貢。由海道至天津赴京等語。並譯出原稟。進呈閱其情詞。極爲恭順懇摯。自應准其所請。以遂其航海向化之忱。卽在天津進口赴京。但海洋風帆無定。或於浙閩江蘇山東等處。近海口岸收泊。亦未可知。該督撫等。如遇該國貢船到口。卽將該貢使及貢物等項。派委妥員。迅速護送進京。毋得稍有遲誤。至該國貢船。雖據夷人稟稱。約於明年二三月可到天津。但洋船行走。風信靡常。或遲到數月。或早到數月。難以預定。該督撫等。應飭屬隨時稟報。遵照安辦。再該貢船到天津時。若大船難以進口。著穆騰額豫備小船。卽將貢物撥運起岸。並派員同貢使先行進京。不可因大船難以進口。守候需時。致有耽延。也將此傳諭各督撫。並諭郭世勳。盛住知之。二十八日禮拜五。向歸山島（譯音）駛行。因霧重天黑。與印度斯坦船及兩二桅小帆船相失。先是東印度公司主事者。曾派甲必丹柏樂克。沿駕一二桅帆船。勉勵號駛。往歸山島。令其游弋該處。候至六月三十日爲止。俾與吾船相值。三十日禮拜海面不見。勉勵號船之踪跡。遍問中國漁船。亦鮮有見者。此間中國漁船。極多數以千計。望之滿目。

都是碧波如鏡。纔此無數小舟至足觀也。吾船下碇後，卽有一華人業領港者，率其所屬上船參觀。此人雖業領港，顧終始未見一船，宏大如吾獅子船者，故覺事事新奇，稱譽不置。（參考▲史但頓出使中國記曰：吾獅子船體積既大，建造復迥與華船不同，故抵此之後，一時人人詫爲奇觀，謂極海陸工程之能事矣。爾時上船觀者甚衆，擁擠不堪，名狀船上執事之人，初以自居客地，不能施號令於地主，聽其自由登船，不加禁阻。後以登船者多逗留徘徊，不肯卽去，而未及登者，復呼噪欲上，互相推擠，不得已乃請彼輩看畢，而後卽立時上岸，以便後來者得登船一飽眼福。此輩上船後，雖各處隨意亂走，不問有無，禁入之地，致船上水手大爲所苦。然尙肯自守規則，未有野蠻之舉。動於中有少數之人，狀貌粗鄙，若全無知識者，蓋下流社會也。後於艙中見壁間懸一中國皇帝之御容，彼輩立卽俯伏於地，以至恭敬之狀，向地皮親吻數四。（譯者按：以意度之，當是磕頭而外，人誤爲向地皮親吻，抑何可笑。）（參考▲史但頓出使中國記曰：彼輩向地皮親吻起立，而後咸向吾輩作喜色，似謂汝輩外國人，乃亦敬重吾中國皇帝，懸其像於船中，殊足感謝也。）七月一日禮拜一，吾船與印度斯坦號憂考爾號、克拉倫司號三船相遇。自上月十九日至今日，無日不雨，無日不霧，天色沉黑如晦，有時加以風警，航行至此，困苦已

極。其中晴暢者僅有一日也。三日禮拜三抵珠山下。碇。（參考金史但頓出使中國記曰。克拉倫司船下碇未幾。即有當地之文武官員數人。上船詢問一切。其中有一商人。略解英語。爲充舌人。余卽問曰。吾船到此。鳴砲七響。以爲敬禮。何岸上答禮之砲。僅有三響。彼言中國風俗。不論何事。敬禮之砲。以三聲爲限。三聲以外。卽爲政府所不許。余又問。吾船開砲時。砲口平指岸上。開砲則砲口向上。向爲防避危險起見。前此廣東某英國船。曾以開放敬砲之故。擊斃中國人二名。致開砲者不免於刑僇。故吾輩小心謹慎。不敢以砲口平指。且吾中國風俗。砲口平指。唯有擊人。平時用之。卽爲大不敬云。）

吾卽遣史但頓勳爵。乘克拉倫司船入城。與當地官長商量。傳得一熟悉海路之人。爲吾船引港。以便開往天津。吾船停泊之處。蓋在城東五十英里許。七月禮拜。史但頓勳爵回船。與二引港人俱。引港人言。他種船隻。均可直抵天津。獨獅子船體積太大。吃水太深。至廟島後。卽不能再進。又言廟島地近登州。居北直隸海灣之入口。北直隸海灣淺而多砂。停泊之地絕少。自此往廟島。約四日之程。史但頓勳爵亦言。抵城後。得此引港之人。殊不易易。謂與當地長官說明來意後。當地長官卽曰。吾等權力。僅能令引港者導尊船至次一口岸交卸。復由次一口岸供給引港之人。如是逐節交換。至於末一口岸而止。史但

頓曰。似此情形。曠時費日。於敵船殊爲不便。倘尊處無引港好手。能直導吾船至於末口岸者。或寧波地方較大。商業較繁。必能具有此種引港之人。務請貴長官代向寧波雇用長官一聞此言。卽念及乾隆皇帝曾有通飭各口岸優待吾船之通令。又恐不爲吾等辦理此事。吾船抵寧波後。向其上一級之長官言之。此當地之長官必受譴責。乃立允爲吾船竭力設法調查。既久始得二人係前此自備船隻往來。經商於天津各口者。令其擔任此責。卽吾偕來之二人是也。（參考▲擺勞氏中國旅行記曰。吾初不料此間欲僱用一引港之人。竟艱難至此。當地長官旣允。史但頓勸爵之請立命兵丁多人。四出調查。有無。往來天津之人。有則拘之。至一古廟中。加以考驗。一時此古廟佛殿之上。擁擠異常。大都不願。前拜容色之悲戚。見者亦爲下淚。考驗而後多以不合格。一一遣去。則懼笑如釋重負。最後始拘來二人。經驗之深爲同輩冠。顧二人前此雖經營海上事業。有年。今則以經商致富。不願復有此冒險之舉。一聞被選。立即向長官磕頭求恕。謂吾方業商。吾苟遠出。則商業必敗。而妻孥必餓。望長官憐而釋之。長官置之不理。斥言此係公事。若輩胡得推諉。今限汝一點鐘之內登船服役。遲則治汝抗命之罪。二人知不可免。遂哭別。妻孥隨吾輩登船。）然二人雖略有經驗。而於航海之知識與技術。則殊形淺薄。逆料此去船

上引港事宜。仍當自行料理。此二人僅足略備顧問而已。（參考▲克拉倫司船抵珠山海港而後擺勞氏以貪食未熟之水菓太多致患霍亂吐瀉之症。其中國旅行記曰余以驟感時症往商當地長官乞代辦阿片大黃各少許以資調治而長官懸異常立延一中國醫生爲吾調治此醫生沉默寡言見我之後初不一問病狀但以一手爲我診脈兩目注視承塵其診脈之三指時而此輕彼重時而彼輕此重越十分鐘之久釋余手言曰足下此病乃多食傷胃之物所致余奇其言之神也服其藥一劑而愈後此見人每稱道中國醫生挾有神術非吾西方醫生可比而中國人復爲余言中國習俗男女授受不親接手一事社會懸爲厲禁以是尊貴婦女之患病者卽診脈亦在所不許但以牽線診脈之法代之其法病人臥於內室醫生坐於外室病人脈際繫一絲線引至外室令醫生執之醫術湛深者可卽線以知病也）十九日禮拜五抵竹島竹島吾嘗聞之廟島則未之前聞至是始知引港人之所謂廟島者卽竹島之誤（譯者案山東有竹島亦有廟島惟竹島近岸而廟島孤懸海心引港人之言雖誤究未全誤也）夫以本國一重要海岸之名詞此輩猶不能記憶無誤則其航海之知識已概可想見無怪吾船離岸稍遠或偶至海水較深之地彼等輒戰戰兢兢以爲不可又無怪吾船破浪而進不肯受風雨之阻彼

等。輒。搖。首。昨。舌。視。爲。非。常。也。（參考▲中國旅行記曰。船。中。自。有。此。中。國。引。港。人。二。名。後。  
遂。致。終。日。喧。鬧。不。寧。彼。等。雖。有一。繩。以。探。測。海。水。之。深。淺。顧。膽。小。如。鼠。往。往。極。安。靜。之。地。  
吾。船。過。之。萬。無。危。險。者。彼。等。輒。加。以。艱。阻。以。是。船。上。執。事。之。人。恆。斤。斤。與。彼。等。爭。執。爲。狀。  
至。堪。發。囁。平。心。而。論。吾。英。執。役。於。船。上。之。人。多。預。先。加。以。訓。練。與。以。必。要。知。識。且。有。一。具。  
高。等。知。識。者。統。帶。之。此。輩。則。悉。自。下。流。社。會。出。身。知。識。既。無。所。可。自。信。者。但。有。閱。歷。雖。其。  
主。張。至。覺。可。笑。而。惄。惄。然。唯。恐。偶。有。失。誤。亦。不。能。深。責。之。也。）二十日禮拜六。自岸上  
得。一。新。引。港。人。啟。槳。前。行。數。小。時。抵。登。州。府。數。日。來。天。氣。變。更。無。定。時。而。暴。風。驟。雨。時。而。  
風。定。霧。生。閼。坐。船。中。至。覺。不。快。入。暮。約。當。下。槳。三。小。時。之。後。登。州。府。長。官。到。船。拜。見。其。人。  
爲。中。國。大。員。一。與。我。見。即。言。兄。弟。已。奉。到。朝。廷。命。令。優。待。貴。使。貴。使。苟。有。所。需。第。在。兄。弟。  
權。力。所。能。辦。者。當。無。不。如。命。偷。貴。使。欲。自。登。州。府。取。陸。路。晉。京。則。車。輛。及。一。切。展。運。之。事。  
當。由。兄。弟。擔。任。云。云。余。均。領。之。此。人。年。事。約。三。十五。六。頗。精。幹。善。交。際。與。余。瑣。談。雜。事。歷。  
二。小。時。始。去。神。意。無。倦。以。素。未。謀。面。之。人。而。周。至。殷。勤。乃。如。老。友。是。亦。不。可。多。得。者。矣。二。  
十一。日。禮。拜。登。州。府。長。官。遣。人。送。禮。物。至。船。計。牛。四。頭。縣。羊。山。羊。各。八。頭。白。米。紅。米。各。五。  
石。麥。粉。二。百。斤。蔬。果。各。數。筐。余。受。其。禮。配。以。相。當。之。回。謝。禮。物。付。其。使。者。携。去。又。有。一。引。

港老人。年幾已七十許。亦登州府長官派至船中。聽候差遣者。此人言每當西歷七八九  
三月之交。北直隸海灣中。恆風平浪靜。吾船此去。可無險阻。又言爲吾船駁運行李禮物  
之船隻。今已停泊大沽口。一俟吾船到口。即可改登駁船。開往天津。好在各船均堅固宏  
大。不虞船中什物之損壞潮濕也。二十三日禮拜二。吾船在北直隸海灣之內。北直隸海  
灣爲黃海之一部。風浪甚靜。一如彼老引港人之所言。黃昏時。吾船與勉勵號相遇。此船  
抵澳門時。東印度公司之主事者。不知吾船抵澳門之時。亦須暫泊。因以信札付勉勵號。  
令其逕行北駛。傳於吾船未抵天津之前。在中途與吾船相遇。及吾船抵澳門。勉勵號已  
於數小時前北駛。吾船遂與勉勵號相失。至是始遇。二十五日禮拜四。晨起日甫出。即見  
吾船四周。有中國船無數。大小不等。所佔面積。可二三英里。吾因問引港人。此地何地。去  
天津之口岸。(指大沽口)爲程幾何。引港人未能明答。而余見遠遠檣桅叢密之處。南  
北兩旁。均有樹木家屋。隱然可見。以意度之。彼處必爲直達天津之河道之出口處。與吾  
船相距。爲程不過九英里。顧不審吾所料果否。無誤。乃命康倍爾大副及密司忒許德南  
二人。乘憂考爾船前往探取。息耗。傍晚二人歸。始知吾料果不謬。且言渠等到口之時。即  
有下級華官數人。上船詢問。及知此船乃隸於英國欽使部下。華官立請彼等上岸。與兩。

大員相見。此兩大員已駐節。彼間多時日盼余至。故一見二人多異常欣忭。待以殊禮。且細問英國欽使及欽使部下各員情形。凡各員之職位品格性情年歲以及此次帶來之禮物。獅子船及各屬船之形式。駛力莫不一一縷問。且令一書記傍侍。將二人答語筆之。於書二人別時。兩大員言目下岸上各事多已齊備。一俟獅子船抵灘。（獅子船過大不能傍岸。只可駛抵沙灘而止。）當由兩大員躬至船上候英國欽使安好。又言目下獅子船去灘不遠。爲程不過三海里矣。二人復言默觀華員神氣咸料吾船此次帶來之禮物必大有可觀。而吾船所備者實爲數無幾萬。一進呈御覽時。乾隆皇帝不能滿意。則吾輩此行結果必不能十分圓滿。史但頓勳爵亦謂曩在澳門之時。嘗與一紳士閒談。此紳士來華已久。熟悉東方情形。因問欽使此次東來。攜有禮物若干。史但頓舉船中所備者告之。紳士曰似此恐不免令華人失望。職是之故。余乃與史但頓會商。添加禮物之法。顧所加之物既欲求其珍貴。又當以吾英國產爲限。而萬里東來。所攜有限。勢不能復回本國。而取之不得。已調查船上各員自備品之珍貴者。照原價估之。借作公用。計得二物。一爲大望遠鏡。一具密司忒勃郎所有。一爲潘克氏製大靈司。一具。（靈司爲光學中凸凹鏡之總稱。此言潘克氏所製靈司。想係用凸鏡或凹鏡製成之一種器械。具有特別功用者。

一甲必丹麥金吐司所有此靈司珍貴異常不特東方罕見卽吾英亦不可多得甲必丹曾以重價得之攜之來華意將奇貨居之醫諸華商吾恐此物一入華商之手則達官親貴必輾轉求之終至貢諸乾隆皇帝而後已果使此物仍爲乾隆皇帝所得則同是西方貨物皇帝萬幾之暇取吾英所進禮物與此物比較之吾禮物優美之光華必爲此物所掩蔽而皇帝心中亦必謂英國國家見貽之品奈何反不如吾臣下之所貢如是則吾此番出使之榮譽必爲之稍減而於吾英國國家之光榮亦所關非細也故余與甲必丹熟商移購此物置之禮物之中自謂禮物中有此二物北京雖大而所藏西洋精美之品殆無有足與相埒者矣入夜余以登岸之前有種種急應與華官斟酌佈置之事而入國間禁吾旨於中國習俗凡關於儀注一切尤不得不先有人爲余探詢因復遣許德南乘勵船登岸與華官接洽二十八日禮拜有下級華官數人來船問安好且言岸上各事現已佈置就緒有駁船多艘已在沙灘恭候尙有多艘定於明日開至沙灘云三十日禮拜停泊之時曾有華官多人上船詢問汝等有鐘表及刀劍出賣否許德南辭以吾船並非商船不賣鐘表刀劍彼等乃露失望之色怏怏而去準是以觀彼等殆有熱望吾等以此

種零星小物見贈之意。余苟不設法贈之，必非彼等所願。顧所備禮物既不能分拆而船上各員行李中所攜之零星小物亦爲數無幾，不敷分派。不得已與印度斯坦船上各執事人商量，購其隨身攜用之時，表以益之。三十日禮拜三終日大風，海灣中小船不能行駛。午刻兩大員督駕大號駁船七艘，自岸上裝運大宗糧食雜物到船，計牛二十頭，羊一百三十頭，豬一百二十頭，雞一百頭。（參考▲擺勞氏中國旅行記曰：雞、豬二物以爲數過多，裝運時有壓擠而死者。交卸時苦力輩陳死雞死豬於獅子船甲板之上，去其毛洗之，使淨鹹之，以鹽一一塗之於吾船貨艙中，謂此種鹹物可以耐久，堪留作後用也。）鴨一百頭，粉一百六十袋米，一百六十袋滿洲麵包，十四箱茶葉，十箱小米，一箱紅米，十箱白米，十箱蠟燭，十箱西瓜，一千个甜瓜，三千个乾製桃子，二十二箱蜜餞，菓子三十二箱乾製菓子，二十二箱蜜餞，蔬菜二十二箱鹽製蔬菜，二十二箱大號東瓜四十籃，南瓜一千个，新鮮蔬菜四十捆，豌豆莢二十擔，陶器三隻，供給之周至如此。而禮貌又優渥異常，恐世界各國之優待他國使臣者多不能與此。東方帝國比也，顧吾以其所贈之物太多，供過於需，全受之或滋霉腐，故僅受其大半，而璧其小半。兩大員一曰樊大人，一曰周大人。（均譯音）樊周二字係族氏，大人則其尊稱。言偉大之人物也。樊大人爲一武官。

頭上插孔雀毛（參考▲史但頓出使中國記曰余初以中國官員頭上所插孔雀毛爲裝飾物之一種如吾英婦女之冠羽然後乃知此係朝廷名器名曰翎子必建有勳勞皇帝賜之乃能插用也）戴紅珊瑚頂子紅珊瑚頂子者二品官之標記也（參考▲史但頓出使中國記曰樊大人爲人恍爽異常在在不脫武人本色英勇之氣躍躍於眉目間渠嘗躬與戰事身受數傷而體格之健全不因此稍損身材亦僅中人而背脊甚直四肢筋肉凸起如栗語言動作雖直率近鄙而天真爛然足爲其成功立業之表證其布置各事既周到精細足令吾輩深感而談話時之開誠布公歡笑不拘細節若家人朋友之相處則又足表其品格之豪爽也）周大人則爲文官科甲出身戴一藍頂子藍頂子與紅頂子較品級居次然華人重文輕武樊大人之權似反在周大人之下也（參考▲出使中國記曰周大人沉靜穩默恂恂儒者也觀其言行似不論事之對已對人有無關係渠教習以爲人正直富有學問爲一時所稱頌云）二人上獅子船後先與余寒暄作種種中國式之客氣狀態余亦勉效一二以報之然自問殊不能中式也坐定後即談正事周大人且談且記凡渠意中以爲必須記錄者一一筆之於書未幾凡關於吾輩登岸時之

一切設備。以及裝運行李禮物之方法。應用駁船之形式。及多寡均已商量就緒。而余一計登岸之前。尙有種種預備。恐非在四五日之後。不能離船也。兩大人均英敏有才。具語言流暢。而又明於事理。宛而能達。以故舌人居間。繙繹無誤。會阻隔之弊。(參考▲出使中國記曰。兩大人登船時。吾等以至敬之禮相迎。兩大人亦甚解事。凡兩國習俗上。敷衍應酬之語。滯笨之人。不能會之。以意而必令舌人居間。瑣瑣者。兩大人均能於語氣中。得之不俟。舌人啟口。卽報之。以歡笑察兩大人之意。似甚願得吾等之歡心也。)談話既畢。余卽留兩大人在船中小酌。吾人所用刀叉。兩大人初覺用之不習。然未幾。卽能隨意。一切船中原備之餚饌。初無珍品。卽由庖丁自兩大人見贈。各品中擇其珍貴者烹調以進。酒則悉係西品。因東西口吻不同。盡出所藏種種名酒。於案聽兩大人自擇。兩大人乃一遍嘗之。凡葡萄酒。杜松子酒。燒酒。啤酒。糖水酒。椰子酒。舍利別酒。白蘭地酒。等。莫不各飲少許。而以白蘭地酒最當。其意故所飲較多。兩大人告別時。亦學西禮。與余握手。及至船面。見吾船衛隊及音樂隊方整列行。送別之禮。則顧而大樂駐足。聽音樂移時始歡然而去。吾知兩人心中必甚滿意也。兩人在船時。曾一問吾船帶來禮物。何若。余告之。以各物之名。及其形式功用。兩人均言此種禮物。甚爲合式。請開一清單。見示。俾先期譯爲華。

文進呈御覽。余諾之。八月二日禮拜五。有大號駁船數艘。自岸上來裝駁印度斯坦船中各物。二三品官戴藍頂子者。同來監督其事。至各駁船一律裝滿後。始去。三日禮拜六。仍自岸上派駁船前來裝駁貨物。約計下禮拜一可以裝完。其監理之人。仍爲昨日之三品官。四日禮拜是日裝駁貨物之人。均異常出力。儘一日之長。將各物裝置完畢。裝畢後預定先將此種大號駁船開至大沽。再從大沽換用小號駁船。開至通州。通州離北京十二英里。至此水道已盡。須改由陸路入京矣。余不耐悶坐。至船頭觀看中國苦力搬運貨物。見人人多筋骨堅壯。饒有氣力。雖作事之時。歌唱呼喚。殊擾人耳。而秩序井然。不紊。又能各盡其力。無貪懶嬉戲者。洵足多也。各駁船裝置貨物既畢。三品官即分派下級官員數人。令各司一船。以各船所裝貨物之細帳付之。使爲一船之長。担負職任。以防遺誤。亦善法也。此時余料明日之晨。余及屬員必須登陸。登陸之後。華人之歡迎供張。必備極優異。若互派公使一事。得蒙中國朝廷批准。則吾輩勾留之時間。亦必甚久。倘留此數船靜候於此。殊屬無謂。計不如令各船回至珠山休息。因獅子船中上下司役。困於船居已久。當得一安靜之地泊之。令船中人得登陸一舒體氣。若休息若干時後。吾猶無回國之必要。者。各船即可先行回國。而印度斯坦容量甚大。力能任重。苟於抵珠山後。裝載商貨若干。